

حيات

میان راهما میانه ... دیار راهها هر چه حیات قاتل ...
- نیمه -

اداره مرکزی :

آنقره ده ، استانبول جاده سنده آنقره
معارف آمینلکی یاننده کی دائرة

استانبول پرورسی :

استانبولده ، باب عالی جاده سنده ۸۷ نومروده
دائرة مخصوصه

نسخه سی هربرده ۱۰ غروردر .
سنه لکی پوسته ایله ۵ لیرا .
(اجنبی مملکتلر ایچین ۵ دولار)

ابونه و اعلان ایشلری ایچین استانبول پرورسه
مراجعت ایدیلیر .
یازی ایشلرینک مرجعی آنقره مرکزدر .

۲ نجی جلد

آنقره ، ۲۱ تموز ، ۱۹۲۷

صافی : ۳۴

چشید ذوقلرک بولون دینی بر شهرده هنوز ملیت حسنک
قوتله حاکم اولمادینی بردورده معمار کمال تورک
ملته خاص براسلوبک حاکمیتی ایچون متادی
چالیشمق هیجانی دویمش ، اوتوز سنه حیاتی
بوکا وقف ایتشدی . دیدی قودی ماهیتی
کچمه یین تنقیدلر صنعتکارک ایده آلنی خیربالا یوردی
تمیز روحی ، بونلره تحمل ایده مه ییجه کوزندن
آقیتدینی یاشلرله بوشانمق احتیاجنده ایدی .
اوکون بونک برتجلیسنی کوردم . اوزماندنبری
آرتیق معمار کمال بنم ایچون یوکسک برانسان
نمونه سی اولدی . اونی آرتیق جانلی برفضیت
آبدیسی کی کورو یوردیم . شیمدی خاطره سی
اوکنده ده عینی حسله ا کیلیورم .

معمار کمال حقیقه یکی بر تورک اسلوبی میدانه
قویمشیدر ؟ بونک تدقیق متخصصرینه طأندر
ده نیلیدی کی بلکه یالکزاسکی تورک اثرلرینک
خارجی یاپیشنه قایلیمش ، الهامی یالکز بعضی
« موتیفلر » دن آلمشدر . بلکه یارین بویوک
بر صنعتکار اصل تورک اثرلرینک ایچنه ، روحنه
دها فضله نفوذ ایده جک ، تورک معمارینسی
کمرلره ، ستونلرده آرامایارق باشقه طرزده
« موده رن » حاله کتیره جکدر . فقط تورک
صنعت تاریخی قوزمو پولیتلکک مودا اولدینی
بردورده ، معماریده تورک اسلوبی یاشاتمق
هیجانی دویان معمار کماله دائماً اک بویوک موقعی
اک یوکسک شرفی ویره جکدر . ایلك یول
آچانلر ، ایلك هدف کوسته رهنلردر که بویوک
انسانلردر . اونلرک یوکسکلکی ، هرکسک واضحاً
دویمادیغنی و کورمیدیکنی ایلك دفعه دویمق ،
کورمک قدرتمنده در .

اگر معمار کمال پادشاهلر دورینک هیچ
برشی سویله نه سنه مساعده ایتمه یین بردورنده

قوللانمارینی هرکسدن رجا ایده جکم » دیدی .
چوق متأثر ، چوق متهیجیدی . سینی صوردم ،
تورک اوجاغی ایچون یاپدینی پلانک اوغرادینی
عاقبتدن بحث ایتدی : « یاپدیم پلان ای اولمایا .
بیلیر ، تنقید ایدیله بیلیر ، فقط بوتنقید نه ایچون
آشکار بر طرزده یاپیلماز ، نه ایچون صنعتله ،
معماریلله علاقه سی اولمایانلرک تعریضنه اوغرار ،
نه ایچون دوغروندن دوغرویه بنم یوزومه بکنمه .
دکبری نقطه لر سویله نمز » دیدی . اوکون بن
بوتأثری یوکسک اثر صاحب لرینه خاص حقلی بر
غروره عطف ایتش ، معمار کمالک تماماً حسبی
اولان روحنی ، اکلا دینی طرزده بر تورک معمارینسی
یاراتمق مفکوره سندن دوغان صمیمی هیجانی سزومه
مشدم . بوندن برآی صوکر ایدی . معارف و کیلی نجاتی
بک افندینک اوداسنده آنقره معلم مکتبی پلانی
اوزرنده یاپیلاجق تعدیلات قونوشولور ، نجرمله
یایمق ایسته دیکی کمرلرک قالدیر ییلسی ، مدخلکدها
بسیط شکله صوقولماسی مناقشه ایدیلوریدی .
بردنبره کری به دوندی ، یوزینی صاقلار بر
وضعیتله اودانک قابوسنه دوغرو ایلهرله دی .
یوز یوزه کلشدرک . باقدم : ایکی دامله کوزیاشی
یاناقلرینک اوستنده دورویوردی . آرتیق بندن
هیجانی صاقلایامادی ؛ اغلاز کی برسسه « اوتوز
سنه حیاتی معمار ی اثرلرنده تورکه خاص ذوقک
یاشانماسنه حصر ایتدم ، اوتوز سنه هرمدنی
شهرک اولدینی کی تورک شهرلرینکده ملتزمه
خاص بر ذوق طاشیاسی ایچون اوغراشدم .
شیمدی بو اسلوبه تره ، جامع معمارینسی دیورلر ،
حقیر کورو یورلر » دیدی ، کوزلرندن ایکی
دامله یاشدها آقدی . اوزمان قارشیمده یالکز
معمار کمال دکل ، « کامل برانسان » جانلاندی .
استانبول کی تورلو تورلو حسلرک ، چشید



معمار کمال ده اولدی

معمار کمال تورک صنعت عالمنده درین بر
بوشلق بیراقرق کتیدی . هیچ بکنمه یین بر
زمانده اولوم ؛ حیاتی قازانجه دکل ، برمفکوره یه
باغلامش بوفضیلتکار ادامی ده آرامزدن چکوب
کوتوردی . نه وقت یوکسک معمار ی اثری وجوده
کتیرمک ایسته رسه ک ایلك دفعه خاطره او
کلیردی ، چونکه بیراقدینی وقف خانلر قدرتنک
جانلی اثریدی . نه زمان باشقه سنک پارا حرصیله
یاریم بیراقدینی اثری تماملامق ایسته رسه ک اونی
چاغیر یردق . چونکه تهر ته میز حیاتی اک یوکسک
فضیلت آبدیسییدی . کیمسه او آبدیه اوفاق بر
لکه قوندیرامازدی . شرق معمارینسنه طأدر
مسئله موضوع بحث اولدینی زمان غرب معمار ی
طالی اونی خاطرلاردی . مسجد اقصانک تعمیرنده
اونک رأیی حاکم اولدی . اوین الملل طانیلمش
بر « اوتوریته » ایدی ، معلوماتیله ، اثرلریله مملکت
خارجنده ده وطنی یوکسکته ین بر بیراقدی .

فقط تصادف بکا بو چوق بویوک آدامک
روحنی ده طانیبتدی . معمار کمال صوک زمانلرده
قلباً یارالی ایدی . آنقره ده یاپیلان بعض بنالرک
اسلوبی هرکون کندینسی اوزوب دوروردی .
بوکافی دکل کی اوغرادینی بعضی معامله لرده
اونی انیجیمشیدی . برکون وکالته کی اودامه
کلدی ، بکا « استاد ، دیورلر . بوساخته کلیمی



فلسفه مراقبه زن ؟

هیچ اونو تمام ، هنوز تحصیلده ایکن ، بر تعطیل ائساننده استانبوله کلشدم . برای تصادف سایه‌سندده یوسف آتچورا بکی طایفه موفی اولشدم . بکا هم سرت هم سوعلی اولان طوریه : « نه تحصیل ایدیورسکز؟ » دیدی . « فلسفه ! » جوانی آنجه حکمی قطعیتله افاده ایتدی : « بزه فیلسوف دکل ، دمیچی لازم !... »

بیلیم بو سوزک تأثیرله میدیر ؟ اوزماندیری باشقارینه فلسفه دن بحث ائتمک نه قدر هوس دویسامده ینه بر آرزورقارم ، بکا « سن برلوزومسز آدامسک ! » دیین بر نظرله باقاجقار دییه جکینیم . فقط بز ، یعنی غربیدن مستعار بر ایکی قیریق فلسفی فکریله ککه له که چالیشانلر ، بو قدر لزومسز ، بو قدر « باشده فلسکن » نوعدنمی بز ؟ بوسؤاله خایر جوانی و بر دیرن برقاچ سب وار :

اولا محقق برشی که مملکتزده فلسفه مراقبه کیت کیده آریدیور . اک « مثبت » دوشونلر ، تجربه بی عیالامق ویا آشمق ادعاسنده بولنان نظریه لری بوش مصال عد ایدنلر بیله بو مراقه بر « واقع » اولدیغنی انکار ایده منلر . دارالفنونده بر تاریخ ویا ادبیات درسی ایچون وکالت ویا اصالت صورتیه مدرس ویا معلم آرائینجه بعضاً حسن ایدیلن مشکلات فلسفه درس لری ایچون اوقدر حسن اولونما یور . فلسفه کتابلری دیگرلرینه نسبتله ده صیق ترجمه ایدیلور وایچه اوقویوچی بولویور . دیک که فلسفه ایله مشغول اولق ایسته یلر - هیچ اولمازسه دون دکلسه بوکون - بر بدعت اورتابه چیقارمقله اتهام ایدیله منلر . اونلر موجود و اولدجه قوتلی بر جریان تعقیب ایدیورلر . فقط بو جریان قوتلی اولسه بیله قیمتیلی ؟ بو نقطه بی حل اتمک ایچون اونو تولید ایدن سبیلری کوزدن کچیرمک لازم کلیر . بعضیلرینه کوره بزده فلسفه مراقبه ساده جه بر « تصلف » در . غربیلری تقلید ایده رک تمایز ایله مک آرزوسندن چیقار . آوروپادن کلن اک صوک موده قیافتلره اویمغه چالیشانلره برغسونک ، دورقه مک ، قانتک فلسفه سندن دم اورانک آراسنده ماهیت اعتباریه هیچ بر فرق یوقدر . ایکسی ده « زوپیه » در ، ایکسکده هدفی فرنکلرک دیدیکی کپی épater le bourgeois کندی حالنده ، اورته دوشونجه لی آداملری آفاللاقمدر .

بو حکم ، نه قدر شدتلی اولسه ده ، اعتراف ایده رم که بر درجه یه قدر حقیدر . مملکتزده فلسفه یازیسی یازانلرک فلسفه نیک « مسائل غامضه » سندن اوپله بر بحث ایدیشلری واردر که مقصدلرینک صافدل

تپیده اثرلره تماس ایده بیلین . بوسورتله مثلاً « لریاک » شعرلر حقنده یک آز انجذاب دویان بر کنجک ، تماشا ویا حکایه کپی اثرلره دوشونجه سی و فعالیت انکشاف ایتدیرلش و بویکی نوع اثرلره قارشی علاقه سی اولیان بر کنجک ، مثلاً خطابه عائد اثرلره قارشی علاقه سی تأمین اتمک بولونمش اولور « دیورلر » ایسته شو بووک وظیفه بی ایفا ایده جک قدرنده اثرلری آوروپائی ادبیاتزده ده مبذول بولاماقده یز . مثلاً نورک جوجوغنه حیاتک پیتوره سکنی ، انسانک پیسیقولوژیسی کوستره جک دراماتیک اثرلریمز بوق دینه جک درجه لرده اهمیتزدر . دیگر نوعلرده زتکین ده کیلدر . بومهم نقصانی طلبه مزه فرنک ادبیاتلریندن نمونه لر کوسترمکله تلافی مجبوریتندیمیز . معارف وکالتی داما شیمیدین بونی تأمین ایچون حاضر لاشدر . « جهان ادبیاتلری » ندن - تراژده دی ، درامه ، قومه دی ، رومانه ، تاریخ ، باستورال نوعه ، تنقیده داتر - نمونه لری حاری بروشورلر نشرینی تأمین اتمکده در . بروشورلری حاضر لایاجق ذاتلر آراسنده حسین جاهد ، محمد علی توفیق ، رشاد نور ، جلال ساهر ، ارجمند اکرم ، سراج الدین ، حفطی توفیق بکار کپی طائمش ادیب و معلملرده وارد . لیسه طلبه سی ، بویکی سنه باشنده کنیدیسی یارین ایچون و بوکونکی مدنی احتیاجلره کوره حاضر لایاجق اوردن ایچه بولا بیله جکدر .

خلاصه : تورک جوجوغنی ، کندی ملتته منسوب مختلف زمره لرک میدانه قوبدقاری ادبی تظاهردن غافل قالما لیدر . دیوان ادبیاتندن ، خلق ادبیاتندن ، تکیه ادبیاتندن ، یکی آوروپائی ادبیاتندن اوکا نمونه لر کوسترمک وظیفه مندر . آنجا ق ینه آمریقالی متخصصلرک دیدکلری کپی میدانه قونیلایق قرائت کتابلرینده و علی العموم طلبه یه عائد اثرلرده هر شیدن اول دقت ایده جکمز نقطه شودر : « بونلر تلقین بخش دوشونجه لری ، سالم اخلاقی مفکوره لری ، نورمال وقوتلی قاراقته لرلی ، اصیل حرکتلری ، صاف حسابی محتوی بولونمالی ، بوندن هر کتابک مطلقاً بر اخلاق ناشری اولماسی معناسی چیقاریلما مالی ، یالکیز هر کتابک هیأت مجموعه سنه حاکم اولان اخلاقی (ton) ک سالم اولماسی و بوتون حیاتی مدتیجه تعقیب ایده جکی « خط حرکت » ی تثبیت چاغنده بولونان طلبه اوزرنده فیضی بر تأثیر بر اراقاسی لزومی آکلاشیلما لیدر . »

والحاصل آوروپالیر ادبیات تدریساتنه یک جوق اهمیت و بریورلر . بزم ایچون ده بواهمیته دقت اتمک ، و اوکا کوره چالیشمق لزومی آرتیق کنیدی کوسترمشدر .

علی جانب




قارنه « وای ، نه درین آدام ! » دیدیرمکدن باشقه برشی اولمادیقی کوز و کور . هله اوقومادینی ، جلدینی بیله کورمدیکی کتابلرک فلان و فلان صحیفه لرینی اشارت ایدنلره ، فرانسزجه بی چاپراشیق اوقورکن فلنک لساندن کتاب ذکر ایدنلره نه دیه لی ؟ بوتون بو زحمتلر ساده قاره ایچون دکلدر . زبرا فلسفه یه داتر یازانلر قارئلردن زیاده مسلکداشلی ایچون یازانلر . مسلکداشک بحث ایتمه دیکی ویا بیله دیکی برکتانی ؟ تدقیق ایتدیکی بر مسئله بی ذکر اتمک اونو « حبط » اتمک ایچون اک مکمل عد اولونان چاره در . بو کولونجلاک ساده مملکتزده دکل ، باشقه مملکتلرده ده موجود اولدینی کورولویور . بولسن اخلاق فلسفه سنه داتر یازمش اولدینی اثرنده برقاچ دفعه - طن ایده رم ایکی دفعه - بونقطه یه ، متفکرلرک کولونج غرورینه تماس ایده ر . اگر غربده قاتولیک پاپاسلرینه حالا کناه چیقارتان فیلسوفلر واریسه ، اونلر هر شیدن اول بوسوجلرینی اعتراف ایتلیدرلر .

لکن تفاخر آرزوسی ، غرابت ذوق ایله بیله اولسه ینه بو ساقلر سایه سنده محتمم فکر ایده لرینک اورته یه قونولش اولدیغنده شبهه یوقدر . شوبنهاورک غروری نه قدار چیرکین اولسه ده ، اونک فلسفه سی معظم بر فکر معماریتی اظهار ایده ر . انسانلک دیگر فعالیت ساحه لرینده ده خسیس امللره میدانه کتیریلن بووک اثرلری تاریخ قید ایتیه یورمی ؟ بوتون فلسفه مراقه ک اشتها حراقتدن عبارت اولدینی فرض اولونسه بیله نه دن اونک بووک محصولرینه تاریخی برر مهم واقعه اولارق علاقه کوستریله سون ؟ دیک که ساده بوباقیشدن ، فلسفه اثرلرینی تاریخک حادثه لری عدایدن نقطه نظر دن بیله فلسفه یه مملکتزده کوستریلن علاقه برحق قازانیور .

بو علاقه بی بو تاریخی چر جیوه داخلنده حبس اتمک ممکنیدر ، جائزیدر ؟ هر برده ممثلی بولونان و مملکتزده ده طرفداری اکسیک اولمایان بر صنف متفکرینه ، پوزیتیف (مثبت) دوشونلره کوره اوت ! اونلر فلسفه بی موزه لره کوندرمک ایستلر ؛ فلسفه مراقیسنه آثار عتیقه مراقیسی نظریله باقارلر ؛ لیسه لرده فلسفه تدریساتی « فلسفه تاریخندن » عبارت کورمک آرزوسنده درلر . بو حکمک شوادعا یه استناد ایله دیکی معلومدر : بشریتک تفکراتی تاریخنده فلسفی فکرلر آرتیق آشیلش اولان بر مرحله ی تشکیل ایدر . بوکون فلسفه برینه علم قائم اولشدر . سوز اونکدر . علمک حل اتمکدن عاجز اولدینی مسئله لره کلنجه ، فلسفه بونلر قارشیدنده بوسوتون بچاره در . علمک زمینی صاغلاندر ، فیلسوف اونک فوقه یوکسه لره رک اوچغه چالیشیور ، نه بوش ، حتی نه زیانی خولیا !...

اوقدر بوشمی ؟ اولا پوزیتویست اولان متفکرده ، محدود بر معناده ، فلسفه نیک لزومه قانع . ایسته یورکه اختصاصی علملر آراسنده وحدت وجوده کتیرن ، کائنانه عائد قانونلری ممکن مرتبه وحدته ارجاعه چالیشان بر شعبه تفکر اولسون . اسکیدن دینک انسانلره تأمین ایله دیکی خدمتی : بوتون عالمی نظری باقیشدن قاورایبیلیمک امکاتی فلسفه دن بکلپور . بو



« قریب » ه کوره تربیه علمی

معنوی انکشاف تربیه

دوہ سدن : ۵ نوموز ۱۹۲۷

تربیه موضوعی تشکیل ایدہن جو جو غک معنوی انکشافی ؛ فردی اولقندن زیادہ اجتماعیدر . بز ، بورادہ ہر شیدن اول قیمت حیائزہدہ بویوک برول اوینایان مثبت ومنفی مفہوملری خاطر لائق ایستہرز . چوجوق ؛ معنوی انکشافی تعقیب ایدہرکن کنیش بر قیمت دونیاسیلہ عامہ کلیر . بودونیا ؛ اولنک وارلغی بسلہر . روحیات علمنہ استناد ایدہن پرہ داغوزی ؛ بویلہ بر وضعیت قارشیندہ نہ یاپاییلیر !

روحیات علمی ؛ بزم هیجانی حیائیزی تدقیق ایدہر ، سبیلرینی ، قانونلرینی آراشدیرر . حسن نہدر ؛ انطباع نہدر ، تداعی نہدر ، الخ .. بونلرک تحلیل وتصویرینی اوکرہ نیرز . فاقاط بو ؛ معنوی حیائزک محیطلہ اولان ارتباطلرینی آراشدیرماز . چوجو غک معنوی انکشافی تمامیلہ « مستقل » ، محیطدن بوس بوتون آیری برشی اولسہیدی ، روحیات علمنک اہمیتی انکار ایدیلہ مزیدی . حالبوکہ ؛ وضعیت ؛ ظن ایدیلدیکی کیی دہ کیلدر . اولنک ایچین روحیات علمنک تربیہ دہ کی تاثیر ساحہ سنی تعیین وثبت ایتک ایجاب ایدہر . تربیہ علمی ؛ باشقا برأساسلہ باشلیور : جمعیت مہیالی ؛ انسانی شکلک ایدک اہمیتی زمینیدر .

فرد ؛ اوکا کورہ بر معاشرت زمہرہ سنک عضویدر . حالبوکہ ؛ روحیات علمی بو « اجتماعی فرد » لہ مشغول اولماز . ایشتہ بہ داغوزی ایلہ تربیہ علمی بورادہ بری برندن آریلیر .

معاشرت حیاتی ؛ یالکزمعین برانسان کتلہ سنک برآرادہ « عضوی یاشاییشی » دیمک دہ کیلدر . بز ، بویلہ بر یاشاییشہ کوز کزدیردیکمز وقت جوق باشقا قوتلرہ ، قیمت تلقیلرینہ شاهد اولورز . بو قیمت تلقیلرینک تشکلی ایسہ یالکز بسیط بر عضوی یاشاییش ایضاح ایدہمہز . اجتماعی فرد ؛ متقابل فکری تماسلرلہ وجودہ کلش ، اقتصادی وتاریخی ضرورتلرلہ تثبیت وتحدید ایدیلش بر وارلقدر . اولنک ایچین اُسکی زمان جمعیتلرینہ منسوب فردلرلہ ، اورتا زمان و صوک دور فردلری آراشدہ اہمیتی فرقلر واردر .

جمعیتلر ، بوتون اجتماعی تظاہرلری ایلہ فردلری معین نیلر حالہ کتیر برلر . مادی محیط ناصیل عضوینلرہ معین شکلر وبریرسہ معنوی محیطدہ ، یعنی جمعیتدہ فردلرینی او طرز دہ ایشلہر . او حالہ دہ بیلیرزکہ ؛ فرد ؛ اجتماعی شرطلرک یاراندینی بر وارلقدر . بز ، بو عمومی اجتماعی « تپ » ی داہادہرین بر صورتدہ

معنادہ فلسفہ بر « تماملایی » تفکر در ، اختصاص علملرینی بر برینہ باغلاہرق وحدتہ یوکسلکہ چالیشر . لکن فیلسوفک تأسیسہ چالیشدینی برلک سادہ علمی ، ذهنی ، نظری دکلدر . انسان بردہ قلبہ مالک . سادہ دوشونجہ بور ، ارادہ دہ ایدیور . او حالہ دہ دوشونجہ دہ وحدت تأسیسی کافی دکلدر ، دوشونجہ ایلہ ارادہ آراشدہ دہ آہنک بولونمالی ؛ فکرلر مفکورہ لری تکذیب ایتہملی .

بو ایکنجی و دہا یوکک وحدت و اثلاقی دہ ہر دور کندی خصوصی شرائطہ کورہ وجودہ کتیرر . بو جہتدن فیلسوف دورینک محصولیدر ؛ دورک تمایللری کندی فلسفہ سندہ - ہیچ اولمازسہ بر عکس العمل وجودہ کتیررک - انعکاس ایدر . بر فرانسہز متفکری حقی اولارق دیورکہ : « فلسفہ دہ تناسل بنفسہ *génération spontanée* » بوقدر . تا افلاطوندن اعتباراً ، زمانزہ قدر ، بوتون فیلسوفلر دوشونورکن کندیلرندن اول کلنلرک نفوذینہ تابع اولشلر ، دورلرینک تأثیری آلتندہ بولونمشلدر . ارسطوی کوز اوکنہ کتیرمہدن کیسہ ابن سینایی آکلایماز ؛ فرانسہز اختلافی حسابہ قاتمادن اوکوست قوت تدقیق اولنہماز .

لکن فیلسوف محیطنہ وسفلرینہ تابع ایسہدہ اولنلرک ضروری ومیخانیکی بر نتیجہ سی دکلدر . سبی شوکہ ہر فیلسوف تفکر اتنک عنصرلرینی دورندن آلفلہ برابر اولنلرک شخصہ خاص بر ترکیب وجودہ کتیرر . بردور دہ کی فکری وحسی جریانلر کندیلکلرندن برلہ شوب ہر وجداندہ عینی اولارق تکرر ایدن بر خلیطہ تشکیل ایتزلر . بالعکس بوجریانلر ہر شعور دہ یکدیگریہ چارپیشیر ، برندہ مظفر اولان دیگرندہ تامحسوس قالا بیلیر . بویلہ جہ ہر بویوک فیلسوف معنوی بر مجادلہنک طرز حلنی اورتابہ قویار . واقعا بر معین مدینت دورہ سی ایچندہ یاشاماش اولسہیدی بومسئلہ موجود اولمایا جقدی . فقط « او » مدینتی دوشونش « او » فیلسوف اولماسہیدی یکدیگریلہ چارپیشان بومتضاد جریانلرک - موقت بیلہ اولہ - بر صورت حلی ہیچ بر زمان بولنہمایا جقدی . بوسورت حلی اورتابہ قویان فیلسوف ایچندہ یاشادینی جمعیتک واضح بر شعور ایدینمستہ خدمت ایدیور .

حتی دہا فضلہ سی وار ؛ ہر مدینتک کندی کندینہ وضع ایلہ دیکی مسئلہ لردن ماعدا ، صورت عمومیدہ بشریتک ہر زمان کندی کندینہ صور دقلری وار . بوندن دولاییدرکہ بویوک فیلسوفلر ہیچ بر زمان تماماً تاریخہ انتقال ایتش صایلامازلر . یکریمی اوچ عصر اول یاشایان افلاطونک بوکون یاشایان بر غسون قدر بزہ اوکریمکہ مقتدر اولدینی شیلر واردر . ایشتہ فلسفہ مراقی اسکیلرک یکی اولدینی ، انسانلق قدر اسکی حقیقتلر دکلہ بیلہ ہیچ اولمازسہ مسئلہلر موجود بولوندینی حسن وتسلیم اولندجہ مشروعدر .

محمد عزت

آراشدیردیغمز وقت مزاجلر ، فردیتلر ، قاراقنہرلر آراشدہ بویوک تضادلر بولورز . فاقاط بوتون بوتضادلرک اوستندہ « تپ » ک عمومی خطلری کوزہ چارپار ، یالکز بوقاداری ؛ بو حیات برلکنک باشقا تظاہرلری بوقیدر ؟

برآرادہ یاشامقدن دوغان معنوی ارتباطلرک یعنی انفسی نظامک قارشیندہ آفاق بر نظام واردر .

بو آفاق نظامک آمر مقیاسلرینہ ہر فرد تابعدر . آفاق نظام ؛ شخصک فوقندہ بر ارادہ طرزندہ کندینسی حسن ایتدیرر . فردک حرکتلرینی تعیین ایدہن بودر . آفاق نظام ؛ معاشرت حیائتہ مختلف شکلر وبریر : « برابر یاشامقدن کوی ، شہر جماعتلری ؛ قان معاشرتندن عائلہ ، قان ، عشیرت ، یا خود خلق تشکلی ؛ مسالک معاشرتندن مسالک برلکاری ، صنفلر ؛ ایمان معاشرتندن دینی جماعتلر ، معبدلر ؛ سیاسی ارادہنک تشکیلاتندن دہ دولت وجودہ کلیر . » بوتون بواجتماعی تشکلرک معین بر خصوصیتی واردر ؛ بوتون اعضاسنی مشترک مقیاسلرلہ ، قوتی بر نظاملہ قوجاقلامق ، مشترک بر حیات محتواسی وبرمک ... مختلف معاشرت شکلرینہ منسوب اولان فردلر ؛ آفاق بسیط بر « تپ » اولقندن چقاروق معنوی بر تپ ، جمعیتک بوتون محتواسنی یاشایان ، دوینان بر تپ حالہ کلیر . معاشرت حیائتک آراسی کیسلہ یہن متقابل تأثیرلری نتیجہ سی اولارق فردلر ؛ دونیا تلقیلری ، سزکیلری اعتباریلہ بری برینہ بکزہرلر . بوداخلی اشتراکدہ لسانک جوق اہمیتی بر رولی واردر . مشترک دوشونجہلر ، مشترک قیمتلر ، مشترک مقیاسلر اونکلہ افادہ ایدیلیر ، عینی زماندہ بومشترک معنولک ؛ لسان ساحہ سندہ شکلرینی ، محتوالرینی یاراتیر . داخلی شکلمزدہ آفاق معاشرت نظامنہ کورہ تشکل ایدہر . فردلرک تمثلی ؛ معاشرت حیائیلہ باشلار . فردلر ؛

معین بر « تپ » ک نفوذی آلتندہ در . « ہر معاشرت

برنیہ تقابل ایدہر . » بودیلر ، خرستیانلر ، اسلاملر ، الخ ... معبدلرینک نظام ومحتوالرینی تمثیل ایدہن دینی تیپلردر . بونک کیی باشقہ تیپلردہ واردر ؛ مسالک تیپلری ، وطنداش تیپلری ، ملیت تیپلری ، الخ ... بز ، بونی حتی بزہ جوق مستقل کورونہن ساحہ لردہ بیلہ تعقیب ایدہ بیلیرز . مختلف دورلرک حیاتی ، حسن محتوالری ، ذوقی ، تلقیسی الخ ... معین ادبی تیپلری یاراتیر . بز بونی عثمانی جمعیتک مختلف ادبیات صفحہ لرنده قولابلقلہ کورہ بیلیرز . معاشرت مہیالی ،

تظاہرلری نہ اولورسہ اولسون ، نیلر وجودہ کتیرہ ہر مہیانر .

معاشرت حیائتک بومتقابل تأثیرلرینی اساسی بر صورتدہ مشاہدہ ایتدکدن صوکرہ ، تربیہنک بنیہ سنی ، ماہیتی تعیین ایتک مشکل دہ کیلدر . معاشرت حیاتی ، ذاتاً تربیہ عنصرلرینی احتوا ایدہر . چونکہ ؛ تربیہ ؛ معاشرتک ضروری بر حیات تظاہرندن ، اساس فعالیتندن باشقا برشی دہ کیلدر . « تربیہ ؛ فردلری معاشرت نظامنہ ، معاشرت مقیاسلرینہ « نیپیک » بر صورتدہ